

元始无量度人上品妙經卷之二十九

降真延壽品

道言昔於始青天中碧落空歌大浮黎土受元始度人降真延壽至極道品元始天尊當說是經周回十徧以召十方始當詣座天真大神上聖高尊妙行真人降真延壽福德神王開化司命定生道君護人靈宰十方真神無鞅數眾乘空而來控辰紫清凌飈碧落丹霞薦輪綠景繞轅天蓋結瑞仙葆奏香神光絳彩六氣和積虛梵空无七日七夜諸天大聖高真境界凝現宮殿譙闕光毫四飛法鼓仙音自然鳴響韻律清應萬穴千喁容神風飄搖日月騰照合辰雙景洞映九天星妃攀綱肆容玉帝

道藏輯要

度人妙經

至

角集六
メト

建常攝氣萬方昭徹三界澡瑩一國地土山川林木谿澗洞海混離金色各有真仙正容拱立冕服其下遙瞻遐眎若有待期神闕穹樓巍碧聳黛天花雨飛錦繡敷圍眾真侍座元始天尊玄坐萬寶天宮結珠翔龍之上說經一徧十方天真應聲降駕同時稱善爲世學真長延壽命是時一國男女皆具六通變化自然說經二徧真念通格天皇俯降說經三徧湛海不波龍宮明現說經四徧天隕紺霜地生紫柰供養降真說經五徧業病性魔道中法結皆得玄通神智開爽說經六徧永住道梵不緣報盡而有退墮說經七徧能運心香徧諸仙國迎降十方三境天尊延壽度人說經八徧靜觀三界萬類眾生皆是天仙高真

應化法身立功護國降請真靈延壽度人說經九徧見諸雲林
奇妙壇靖悉有上真降身說法延壽度人說經十徧欣樂讚禮
實未曾有元始上帝躬宣法要爲此羣生延壽降真是時一國
是男是女莫不傾心皆受護度咸得長生

道言是時元始天尊說經一徧東方降真延壽至真大神無鞅
之眾浮空而至說經二徧南方降真延壽至真大神無鞅之眾
浮空而至說經三徧西方降真延壽至真大神無鞅之眾浮空
而至說經四徧北方降真延壽至真大神無鞅之眾浮空而至
說經五徧東北降真延壽至真大神無鞅之眾浮空而至說經
六徧東南降真延壽至真大神無鞅之眾浮空而至說經七徧

道藏輯要

度人妙經

卷

角集六
×××

西南降真延壽至真大神無鞅之眾浮空而至說經八徧西北
降真延壽至真大神無鞅之眾浮空而至說經九徧上方降真
延壽至真大神無鞅之眾浮空而至說經十徧下方降真延壽
至真大神無鞅之眾浮空而至十徧周竟十方降真延壽至真
大神一時同至一國男女傾心歸仰來者各執花幡寶衣珍果
香林妙供讚詠而來奉禮元始天尊願聽降真延壽度人上清
十方天人至真大神一國男女各自思惟天尊大慈開我冥暗
顯示法要爲下方眾生宣說道要請降上真增延壽命我等大
人雖以道業進登天位而南昌上宮亦繫限數壽年雖永不過
百千萬歲而未能出離三界保天長存身入無形不歷生死我

今欣聞天尊首爲太上道君出度人上法降感真靈真靈下濟
延人壽命我等位登諸天益當樂信是法依教修行躋於聖道
永不輪轉如是讚歎議說一切音聲遍十方界猶如隱雷風雨
飄驟金石交音震動天地五嶽八海十二神山煙凝波湧獅子
躑躅鸞鳳吟嘯龍澤靈池雲濤宛轉碧落薦瑞翠京發光於是
元始卽於座起命侍真靈妃太極玉郎燔鬱單无量壽天蘭微
千和之香鼓動法音簫簟吸張匏箎遞舉顧眄十方告太上道
君十方天人言降真延壽之法已居聖位竟亦爲之真中有真
此真主攝萬真爲三界化主我今燔香頂禮以漸感降真旣降
接神氣合真真神歸體壽命永延壽者天德之和道壽無數天

道藏輯要

度人妙經

卷

角集六
メヌメ

壽有窮人壽無定地壽有終若能降真真與道通壽則無數所
謂長生久視壽歷無極萬歲咲笑億齡合歡作是語已頂禮十
方心拜道元忽覩空玄之中光輝遍溢碧玉遊宮鬱藹臺殿萬
聖千真棲息其間往來雲霞驂駕龍虎遙矚鬚眉仰觀如畫明
逾日輪熠燿上下金剛之氣圍繞維正作二十四種殊絕異色
出沒顯晦金青煥麗瑩等月珠元始登引天真大神上聖高尊
妙行真人十方无極降真延壽至真大神俱入遊宮之中上下
天人俯仰瞻望惟見拂拂從寶樓瑤闔中入道而入旣入遊宮
不知所在國人廓散地雲柔輦軟若蹈綿纈天雨歟花雜色盈
尺壅輪沒履香風洗空絳光流動元始卽於神宮之內說經都

竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度延其壽年無有中傷傾土歸依咸識道真延壽延神延氣延靈延法延形延息延化延福延祥言無二情口無偽聲齊同慈愛異骨成親國安民豐劫劫太平經始出教一國以道預有至心降真延壽皆得度世

道言元始天尊說經中所言並是諸天降真內名隱韻之音亦皆延壽內諱百靈之隱名也非世之常辭上聖已成真人通玄究微能悉其章誦之十過則玉清降真神霄命靈天帝誦之以延劫真人誦之以延神上聖誦之以延道仙人誦之以延歷諸

道藏輯要

度人妙經

卷

角集六

×上×

天遙降十華俯庭河海澄湛山嶽深凝日月合景太儀眇清羣魔束形鬼精滅爽回屍起死白骨成人至學之士誦之十過則五帝駐輦三官在賓上真接禮靈人造局魔精竄伏鬼祇伏形濟病度死絕而得生所以爾者學士故氣已消神漸降真召制十方延壽千齡攝御地司泉曲令丞削落玄簡過度之名延期卻死道備長生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲降真延壽之宗巍巍大範德難可勝

道言凡誦是經十過諸天齊到司命司錄延壽益算南昌大神爲其降真揚軒紫雲偃蓋下蓮錄其姓名注上生籍延壽無垠

五鬼大殃注訟元辰不得干犯降真之人而好學至經功滿德就皆得神仙飛昇金闕遊宴玉京也上學之士修誦是經能降天真皆卽受度飛昇九宮世人受誦則感降神靈延壽長年後皆得作屍解之道神氣易形出幽入冥返閉天藏洞入無形此經微妙普度无窮一切天人莫不受慶無量之福延生保惠上天所寶不傳下世至士齋金寶効心盟天而傳輕泄漏慢殃及九祖長役鬼官降真延壽玉童玉女各二十八人營衛神文保護受經者身

道言正月長齋誦詠是經感降東方九炁青皇帝君斷絕連注鬼役呼徵身得延壽度名青皇宮七月長齋誦詠是經感降西

道藏輯要

度人妙經

卷

角集六
X 81

方七炁太素帝君斷絕殃考傷害沉痾無留身得神仙刻書黃籙白簡削死上生十月長齋誦詠是經感降北方五炁玄老帝君斷絕水禁塚墓訟刑風濕邪源追考生魂爲國王帝主君臣父子延壽長年保天長存世世不絕常爲人君安鎮其方國祚太平八節之日誦詠是經感降八景高聖太上丈人斷絕鬼厲殞毒三十六療野道不行五西逃形得延壽命爲九宮真人本命之日誦詠是經感降六甲靈妃三皇道君斷絕行年太歲大煞凶害諸神不得干犯受道者身魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒二十八
通上聞二十八天心拜二十八過閉目靜思身坐青黃白三
色雲氣之中內外蒼冥有青龍白虎朱雀玄武獅子白鶴羅
列左右日月照明洞煥室內頂生圓象光映十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前畢

引炁三十二過東向誦經

道藏輯要

度人妙經

卷

角集六
110X

元始无量度人上品妙經

元始洞玄靈寶本章降真延壽妙微靈品十徧度人諸天隱韻
離合自然混洞無形空相冥冥元氣未生孰有其真真者太空
之中生化之主不變不易無壞無成金剛成體空得其真真爲
司命校錄萬靈真爲天尊布教留經真爲寶皇福祿生民真爲
延壽爲世種情真爲益算布局命神如是天真爲空中之神冥
中之精道中之真赴念隨感珠輓鳳輶首建九色身御金青駕
氣乘雲萬千吏兵爲世延壽注上生名上無復祖惟道爲身能
降天真命籌日增過度九六神氣通靈無真不光無真不明無
真不立無真不成無真不度無真不生是爲大梵真中之真碧

道藏輯要

度人妙經

卷

角集六

虛圓羅金闕玉城上極神風重霄紫庭真本非形若亡若存太
霞玉宮中有至真大行梵氣周回十方中有度人不死之神中
有南極長生大君中有度世司馬大神中有好生韓君丈人中
有南上司命司錄延壽益算度厄尊神降真延壽无量度人今
日校錄諸天臨軒

東方无極降真延壽神王長生大聖无量度人
南方无極降真延壽神王長生大聖无量度人
西方无極降真延壽神王長生大聖无量度人
北方无極降真延壽神王長生大聖无量度人
東北无極降真延壽神王長生大聖无量度人

東南无極降眞延壽神王長生大聖无量度人
西南无極降眞延壽神王長生大聖无量度人
西北无極降眞延壽神王長生大聖无量度人
上方无極降眞延壽神王長生大聖无量度人
下方无極降眞延壽神王長生大聖无量度人

十方降眞延壽福德神王長生度世无量大神並乘景霄碧霞
寶輦珠蓋彤輪驂駕神虎赤甲飛龍建九光之節八景靈幡前
嘯天籥齊唱後吹仙籟同鳴辟邪斑蚪悲號嘶嘶五帥啟途三
界奉轅億乘萬騎浮空而來赴誠降駕延壽度生諸天丞相南
昌上宮韓司主錄監生大神執錄把籍齊到帝前隨所應度嚴
道藏輯要
度人妙經
校諸天普告三界无極神鄉司命之府延壽益算降眞大神二
十八宿北斗九元上解祖考億劫種親疾除罪殃播植生根高
眞下應開度生門元始符命時刻晷遷長生大君垂護形魂制
魔保舉延壽南宮氣骨受仙道德化身生身受度劫劫長存隨
劫輪轉與天齊年永度三官五嶽八獄九幽超凌三界逍遙上
清上清之天天帝玉眞無色之境梵行

東方七天

靈書降眞之氣起華蓋斗樞之下回行二十八宿之上在房
宿二十七度左回貫四種民天下在日月之上散入諸天以
次東行復位西北而止近世執法端門左右應數而下與風

炁相接故通真感格須有徵應者此也

大明護真天

帝圓多羅

絕梵猷靈天

帝康期伯靈

胡樂萃秀天

帝茂純德盈

紫丹明儲天

帝邱無那

洞霞育真天

帝赤仰師和

空玄歷數天

帝仲光享波

僑通諸普天

帝翰童離

南方七天

炎輿正始天

帝助覺正功

道藏輯要

度人妙經

堯

角集六

京維霄明天

帝蒲鈴宛宗

慶符濮檀天

帝薄滋師蒙

隨文希度天

帝耀明芝修

長基樂玩天

帝朝斯元堂

祈華布容天

帝元定黃

高凌代无天

帝通孫章

西方七天

周俞平无天

帝澄占回

景炎太真天

帝道无明維

綠井數陳天

帝除彥荒施

牛羅普逝天

帝時祇洞芝

定梁惠宗天

帝南白溫宜

兆靈蘇寂天

帝梵初光

九微洞皇天

帝知極用藏

北方七天

帝舒光淨天

帝鬼都玉蒼

紫儀寂化天

帝叱羅焰千

至定允理天

帝醮生玉完

光梵救智天

帝圖定九空

虎勲正部天

帝十華竟多

道藏輯要

度人妙經

卒

角集六
川一三

伯燕無原天

帝部單憂婆

道冥混杳天

帝末都成盧

二十八天二十八帝諸天隱諱諸天隱名天中空洞自然靈章
諸天隱韻天中之音天中之尊天中之神天中之真天中之靈
分神降真和合氤氲真神高尊降駕上清無量之奧深不可詳
有知降真延壽度人今日欣慶受度歷關諸天注簡誠通徹感
幽玄飛降九真泛景太玄三真監舉昇入天門東斗主筭西斗
記名北斗落死南斗上生中斗大魁度人降真青帝奏書白帝
破券赤帝露文黑帝紀願黃帝開通道真合變青天命神越玄
九冥赤天火鈴斬伐魔魂白天操戟嚴陳帝敕黑天總靈萬萬

神兵黃天布炁列真齊至五天上真萬神之尊飛行三界驅役
雷霆揚旗擲火九醜奔驚降真延壽福德安榮盡摧鬼鋒諸天
齊功上天度人蕩滅北酆冥官鬼庭殺氣橫空仰降高真五華
蔚葱八海練淨六天冲融天帝按籍上卿典封紫皇注壽億劫
齊終後役電吏前催驛龍敢有干試拒遏上真騁煙絳房舞輪
北清真降玉符易質童嬰上偕帝友刻位丹瓊搖光熒熒碧杳
萬程中列九宮協宸玉京續益生氣靈機內營恍惚變化躬接
仙真司命秉筆帝君授經壽命無窮萬神咸聽三界五帝列言
上清

太光沉謐萬劫開光眇浩非迹混氣成空空無復色空無復淵

道藏輯要

度人妙經

卷

角集六

空極生風風降爲澤風澤洞虛天中之天天中之神神爲天真
降氣運神天地用成三界爰立萬象容停天上天下無幽無冥
無形無影無極無窮溟滓大梵遼廓無光神真布化運度自然
元始安鎮雲霞結篇九天虎篆八威龍文植化靈人格降上真
真道流行萬範開張真光洞流二十八天轉輪宸樞周回十方
旋斗遶垣還度天端二十八舍總氣北元輝映冥合真景通玄
玄中太皇上帝高真泛輿景霄時來帝庭撫璫激音奏響雲營
翩翩羽旗列聖來賓注命玉厯延壽度生氣具神備自然成真
真中有神長生大君左神公子皓華尊神帝一輔皇神母弼卿
儼坐三宮保命生根真氣下接壽命日增上遊上清燕息金房

九曲之內細微之中下鎮人身泥丸絳宮中總道空混洞神真
九孔受靈萬氣齊仙仙道貴生无量度人出入天門俯車統膽
巾檢閱人世罪福禁戒宿命因緣普受開度鬼質生身身得受
生上聞諸天諸天之上降真有門中有空洞謠歌之章三真靈
篇辭參高真

第一玉清上真金景明微大帝三華之音

玉京浩浩

玄漠何有

雪層巖峩

星隱春日

下上其神

冲和爲春

跼芽自伸

真道斯陳

第二上清上真神景洞微大帝九華之章

道藏輯要

度人妙經

奎

角集六
三十一

我乘八風

裏裏飛龍

下觀世間

光青瞳矐

彼維何人

企我神宮

騁輪夜過

寵福濛濛

第三太清上真玉景靈微大帝十華之歌

壽定天籙

我執其目

降真奏煙

駐鳳流軒

玉女灌香

錫命億年

子未知真

道去子身

此三界之上飛空之中三真歌音音參洞章誦之百徧名度南
宮誦之千徧三真保迎萬徧道徧飛昇太空過度三界位登仙
公有聞靈音天真記名勅制地祇侍衛送迎拔出地戶五苦八

難七祖昇遷永離鬼官真人降堂壽窮更生是謂無量普度無窮有祕上天文諸天共所崇泄 慢墮地獄禍及七祖翁

道言此洞章並是諸天上帝及至靈真王隱祕之音皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都紫微上宮依玄科四萬劫一傳若有至人齋金寶傾心依舊格告盟十天然後而付焉

道言水火激射二運否終宿次星躔亦有虧盈至聖神人亦有遷遞末學之夫亦有疾傷凡有此災同氣皆當以此降真延壽之法於名山靈水之間大林東流之側齋館靖堂之所建立壇場香花禮念依教行持乞降二境高真十方聖眾九天兵騎捍道藏輯要

度人妙經

奎

角集六

厄除過延壽益算大神三日五日七日夜亦如之天真來降必先垂應當有異光白鶴天樂奇特之瑞或夢遊天闕親遇神人殊感日臻災殃退弭延壽添年長生得道或世緣重大無力營崇但皆齊心修齋六時行香十徧轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其降真緣感未應世數終盡天賜之壽未得延益祈告殫竭威神不格者卽當行香誦經十徧以度屍形如法魂神徑上南宮隨其學功計日而得更生還復故形而所延之壽併受於身真氣來降滋澤顏嬰轉輪不惑便得神仙

道言壽者天委之和原其始生卽天官推策以定壽筭陰福添益陽過滅除一算之軌準爲三日算於人壽一百二十過者千二百而天地日月四時陰陽皆有分畔若有災怪勃蝕爲其降眞而壽筭益延保天無窮也若有災殃兵氣干斗疫毒流行兆民夭傷師資法侶命過運終皆當祈降眞靈乞延壽命鍊度屍魂回殃轉福夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度世人

道言凡有是經能爲天地帝主兆民行是功德有災之日發心修齋燒香誦經十過皆諸天降眞萬神侍衛延壽度人尅得爲聖君金闕之臣諸天記人功過毫分無失天中仙眞亦保舉爾身得道者乃當洞明至言也

道藏輯要

度人妙經

齋

角集六

諸天中大梵隱語无量音 道君譔

元始降眞延壽玉文靈篇

東方七天

角龍浮羅 晶儀辨訶 帝觀下漠

淵濟侔和 景梵延鬱 慶煙散那

子騫影霞 鍾猷夢安 攬池煙施

離箕盪戈 宛巖玉眞 帝錫宏魔

婁都乾虛 正軫玄阿 赤文洞霞

綠蒼无戕

南方七天

邱峯肆機

約謹遲微

仙湊皇偃

毗藍定基

岐原天孤

紫煙歷迷

普九營室

井鬼明夷

斬戮豐西

太空眇微

落元嘯然

神父泉扉

洞爽澤涸

古鈴合持

陋丙演著

欽稽緣時

西方七天

朝謀彥期

稼婁權尼

法延鬼房

碑眉無宜

禁直南阜

暉滇牛奎

道藏輯要

度人妙經

奎

角集六

鑿落蔚仰

輔規桓衣

公山罔廡

威殿昭龜

紅微境兌

虎標司披

黨求洞基

智竭名夷

穹羅嚮元

龍晃艷救

北方七天

閣路治斗

星張入柳

馬格火涵

潛靈縛醜

句魁四張

宦女元首

玉嶽繞河

曲參降酉

符運赤天

雷轟九浮

蕩魔鉞鼎

兵圖駢遊

玄雲日陀

月梵毋缶

都天可韓

攝鄽珍連

道言此諸天中降請三真十方仙聖延壽益年大梵隱語无量之音舊文以丹金刻書辰樓天蓋之下回旋詰流支霞析煙天真皇人仰而傳之以爲正音有知其音能齋而誦之者諸天皆遣飛天神王下觀其人不履犯道禁世殄卽天真立降五帝奉筆書其功勤延壽續命上奏諸天萬神朝禮地祇侍門大勳三官保舉上仙道備尅得遊行三界昇入金門此音無所不辟無所不禳無所不度無所不成天真自然之音也故誦之致飛天下觀上帝遙唱萬神朝禮三界侍軒羣祇束首鬼精自亡真衛遄集天駕停驂風沉煙空玉響振清大量玄玄也

道藏輯要

度人妙經

卷

角集六
二八